



Meeqqanut inuusuttunullu angerlarsimaffiup avataanut inissinneqarsimasunut inissinneqarnikuusimasunullu, inersimasunngoriartornermut ikaarsaariarnermut ilisimasanik tunngavilimmik periusissatut pilersaarummik Naalakkersuisut UKA 2019- imi saqqummiussinissamik peqquneqassasut, Inatsisartut aalajangiiffigisassaattut siunnersuut.

(Inatsisartunut ilaasortaq, Mikivsuk Thomassen, Inuit Ataqtigiit)

(Siullermeerneqarnera)

Ajoraluartumik meeqqat inuusuttullu amerlavallaartut angerlarsimaffiup avataanut inissinneqartarput. Tamanna tamatsinnut tujorminarpoq. Demokraatini isumaqarpugut inuiaqatigiittut immikkut pisussaaffeqartugut meeqqat inuusuttullu sumiginnakkat ikiornissaannut. Pisussaaffigaarput taakku meeqqat inuusuttullu pitsaanerpaanik sinaakkuteqarnissaannut atugaqarnissaannullu neqerooruteqassalluta.

Qularutissaanngilaq angerlarsimaffiup avataanut inissinneqarneq misigissutsikkut imaannaanngissaqisoq aamma angerlasimaffiup avataannut inissinneqarneq arlalinnik kinguneqartarpoq inuunerup ilaani kingusinnaakkut aatssat takkuttartunik. Taamaattumik pingaartorujussuuvoq meeqqat inuusuttullu inissitat 18-liiginnartullu sapagittannginnissaat.

Pineqartumi inatsisit iluarsineqareernikuupput meeqqanut ikorfartuinissaq pillugu inatsimmi takuneqarsinnaammat, suliniuteqareernermi malinnaanissaq atuuttoq inuusuttunut 18-niik 23-t tikillugit ukiulinnut, 18-nillu ukioqalernermi nalaani meeqqanut inuusuttunullu ikorsiisarneq pillugu inatsit naapertorlugu ikiorserneqarsimasunut. Aamma atuarneqarsinnaavoq tamatumunnga kommunit akisussaasut.

Suliassartaa tassaavoq immikkoortumi kommunit akisussaaffimminnik isumaginnissimanersut qularnaassallugu aamma neqeroorutit ajunnginnerpaamik pitsaassuseqarnerisut.

Tamanna tunngavigalugu Demokraatini isumaqarpugut ataatsimoortumik pingaarnermik periusissatut pilersaarusiornissaq pitsaassasoq taamaasilluta sapinngisannguatsinnik qularnaarniassagatsigu meeqqat inuusuttullu angerlarsimaffiup avataanut inissinneqarsimasut pitsaasumik ingerlaavartumillu inersimasunut inuunermet ikaarsaariartuaarnissaat.

Siunnersuut ilalerparput innersuullugulu Ilaqtariinnermut Peqqissutsimullu Ataatsimiititaliamut.